



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKO PRAVOBRANILAŠTVO  
OPĆINE TEŠANJ I DOBOJ JUG

Tel: 032 650 022 [www.opcina-tesanj.ba](http://www.opcina-tesanj.ba)  
032 650 547 E-mail: [optesanj@bih.net.ba](mailto:optesanj@bih.net.ba)  
Fax: 032 650 220 [nedzada.agic@opcina-tesanj.ba](mailto:nedzada.agic@opcina-tesanj.ba)



Trg Alije Izetbegovića 11,  
74260 Tešanj

Broj: 09-08- .

Datum: 14.03.2012.godine

**OPĆINSKO VIJEĆE**

**- o v d j e -**

**INFORMACIJA O STATUSU ZEMLJORADNIČKE ZADRUGE  
I ZADRUŽNE IMOVINE**

Na području Općine Tešanj trenutno je registrovana jedna Zemljičarska zadruga – ZZ „Jelah“ Jelah. Ista je formirana od osnivača, pet fizičkih lica sa udjelima osnivačkog uloga od po 100.00 KM, što je prema rješenju o upisu subjekata u sudski registar iznos od 0,025 % cjelokupne imovine kojom zemljičarska zadruga trenutno raspolaže.

Preostali dio imovine od 99,975 % je državna imovina što izraženo u novčanoj jedinici iznosi 1.999.500,00 KM.

U zemljišnim evidencijama imovina bivše društveno/državne zadruge je upisana na pravno lice koje ima isti ili sličan naziv kao i zemljičarska zadruga osnovana od strane navedenog broja fizičkih lica.

Dio imovine bivše državne zemljičarske zadruge trenutno koristi novoregistrovana zemljičarska zadruga.

Shodno naprijed navedenom činjeničnom stanju potrebno je preduzeti slijedeće korake:

- Općinski načelnik će putem nadležnih službi i Općinskog pravobranilaštva izvršiti identifikaciju i inventarizaciju imovine kojom raspolaže sadašnja zemljičarska zadruga Jelah osnovana od strane fizičkih lica, te utvrditi što su dioničari od toga unijeli kao svoja vlastita sredstva a šta je od toga državna svojina iz bivše državne zemljičarske zadruge.
- Općinski načelnik će putem nadležnih općinskih službi identifikovati i ostalu imovinu kojom raspolaže zemljičarska zadruga osnovana od strane fizičkih lica, a koja se u zemljišnim evidencijama vodi na bivšoj zemljičarskoj zadruzi ili na pravnim prednicima državne zemljičarske zadruge.
- Općinski načelnik će putem nadležnih službi pripremiti Odluku prema Općinskom vijeću za jednu od narednih sjednica, u smislu kojoj će prava na imovini iz stava 1. i 2. ove informacije biti prenijeta na općinu Tešanj.
- Općinski načelnik putem nadležnih općinskih službi a u saradnji sa kantonalnim Ministarstvom za poljoprivredu, će navedeno poljoprivredno zemljište dodijeliti na korištenje zainteresovanim licima za poljoprivrednu proizvodnju, građevinsko zemljište će se dati na korištenje do privođenja krajnjoj namjeni a u skladu sa prostorno –planskom dokumentacijom, dok će se šumsko zemljište dati na korištenje i upravljanje nadležnim državnim ustanovama u čijoj je nadležnosti upravljanje i gazdovanje istima.

**OPĆINSKI PRAVOBRANILAC**  
Nedžada Agić, dipl.pravnik

---